

羊村清道夫



死亡人數 202人

感染人數 11090人

失業率 7%

(11.2020-01.2021)

回校日數 31-92日

(2020年)

封區次數 28次

參與罷工嘅
醫護人數 逾7000人

武漢肺炎

除另外指明外，數據截至08.03.2021

資料來源：CHP、NOW新聞、HK01

“

但他知道這篇記事並非紀錄最後的勝利，而是作為見證。
有些人無法成為聖人且容不下疫災，儘管個人心碎痛苦，
仍極盡所能想成為醫者。

這篇記事見證的正是這些人應該做些什麼，
或許以後還得再做些什麼，
以便對抗始終全副武裝的恐懼。

卡繆 · 《鼠疫》

”

呢個係羊小清，佢自細已經立志要做清道夫。
點解要做清道夫呢？因為....




首領大灰狼由唔知幾時開始，
就係羊村落嘅圍欄度開咗一個窿。
每日都會有好多隻狼由狼村入去羊村度定居，
同時又有無數隻狼來來回回兩個村落。



正正因為噉，狼會喺羊村度亂拋垃圾，周圍吐痰，村落亦因為噉而越嚟越污糟。

所以，羊小清為咗令羊咩咩有清潔嘅環境，可以健康噉生活，就決定要做清道夫。






大灰狼眼見羊村落好污糟，都不為所動。
每一日就淨係喺冷氣房度食羊肉。



羊小清每日都辛勤嘅工作，太陽都未起身就要去狼老細度點名，著制服同埋清理垃圾。


但因為圍欄上面個個窿，每日都有更加多嘅狼入村亂拋垃圾，村落變得越嚟越污糟，羊小清嘅工作亦越嚟越辛苦。





但係，大灰狼只係顧住點樣係圍欄度開多幾個窿，
冇理過啲清道夫。






直到有一日，
羊小清發現街上面嘅垃圾已經多到堆咗一座山出嚟。
無論佢哋有幾勤力清潔，羊村依然臭崩崩。
羊咩咩亦因為噉每一日都要戴住口罩返工同返學。
於是，羊小清去同大灰狼講：



可唔可以閃返個圍欄啊，
羊村變得越嚟越污糟，
我哋都會病㗎！




大灰狼聽到後，唔單止冇理到羊小清，
仲即刻好嬲噏吩咐手下：

以後唔准啲羊再講話啲垃圾係狼搵嘅！
啲垃圾明明就係其他村嘅動物搵嘅！
污糟係因為嗰班羊唔乖咋！


噃... 全個羊村所有餐廳
都要門門啦！同埋... 唔畀
多過兩隻羊喺街度行！





街上面越嚟越污糟，
羊村入面嘅口罩亦開始唔夠用，
啲羊仔亦因為噉要停課留係屋企。
其他清道夫見到噉嘅情況都覺得好擔心。

羊村入面越嚟越多狼，
再噉落去，大家都會病，
點算好？



大灰狼眼見啲清道夫咁擔心，佢心諗：
反正我一直都係冷氣房入面，都唔關我事。

我就一向都最支持
清道夫嘅！



羊小清同其他清道夫繼續好努力嘅日掃夜掃，
但係垃圾袋開始唔夠用，
佢哋明白點同大灰狼講都有用。

佢哋於是一齊傾吓可以點做，
但係所有清道夫都明白，
只有大灰狼閃返個圍欄先可以解決到而家嘅問題。





就係呢個時候，其他羊咩咩嚟到廣場，
有羊咩咩建議：

不如你哋罷工，唔好再清潔街道！
畀大灰狼明白我哋點解咁擔心！
我哋其他羊咩咩都支持你哋罷工！

但係，羊小清同其他清道夫都好驚，
佢哋好擔心如果佢哋唔清潔街道，
只會令更多更多嘅羊咩咩病。

可惜，佢哋諗咗好耐，
都諗唔到仲有咩方法可以說服到頑固嘅大灰狼，
守護羊咩咩嘅健康。

好啦！為咗守護羊村，
我哋咩辦法都要試！





就係嘅，清道夫嘅罷工正式開始！



四能工



救羊

嚟緊嗰一個星期，清道夫每日都去到大灰狼嘅冷氣房外面，期望畀到壓力佢，令佢閃返個圍欄。


啲清道夫好似平時返工噏，
第二日朝早太陽都未起身就去冷氣房外面度不斷勸大灰狼，
勸到夜晚返屋企瞓覺，第日朝早又再出嚟。
每日都不斷噏：

閃返個圍欄！罷工救羊！
閃返個圍欄！罷工救羊！



但係，狡猾嘅大灰狼繼續食住羊肉，笑住噉講：

班清道夫鍾意罷工咪罷工囉！
我炒晒佢哋，等佢哋冇得再做清道夫！
反正出面幾污糟都好，我都有冷氣歎，
有羊肉食！



過咗一個星期，羊小清見到街上面越嚟越污糟，
越嚟越多羊咩咩開始病，佢覺得好焦急好心痛。



羊小清於是叫埋其他清道夫一齊傾。

最後，佢哋決定返返去街上面，著返制服，清潔街道。佢哋明白就算幾勤力都好，街上面依然都會臭崩崩，羊咩咩都會病，但佢哋決定清得幾多得幾多。

而其他羊咩咩都一樣，即使狼亂拋垃圾都好，都唔會學佢哋，要努力保持街道清潔。



而大灰狼呢，就從來都唔會着緊羊咩咩健唔健康，堅持話清道夫自私，話佢哋係偷懶所以先罷工，仲要懲罰所有罷過工嘅羊。

但無論點都好，啲清道夫都決心要繼續好好守護大家嘅健康，守護羊村落。





清道夫盡咗佢哋最大嘅努力守護羊村，
如果係你，又會點樣同清道夫一齊並肩作戰，
守護我哋嘅屋企？





大灰狼係羊村嘅圍欄度開咗一個窿，自此每日都有好多隻狼由狼村入去羊村。
狼成日都亂拋垃圾，搞到羊村越嚟越污糟，危害到羊咩咩嘅健康。

羊小清同其他清道夫唯有透過罷工，期望可以令大灰狼改變心意，閃返個圍欄，
佢哋會唔會成功呢？

文：香港言語治療師總工會

圖：熱奶茶

親子共讀：4-7歲

自行閱讀：7歲以上



© 2021 The General Union of Hong Kong Speech Therapists. All rights reserved.

